



Møre og Romsdal
fylkeskommune

Nesset fjellstyre v/ Dag Ringstad

6470 ERESFJORD

Dykker ref:	Dykker dato:	Vår ref:	Vår saksbehandlar:	Vår dato:
		13105/2017/K62	Håkon Slutaas, 71 28 03 52	07.02.2017

Eresfjord og Vistdal Statsallmenning - Løyve til utsetting av fisk i Børtnjønnin og Midtre Mardalsvatnet/Urdavatnet

Viser til søknad frå Nesset fjellstyre ved Dag Ringstad om få sette ut 400 aureyngel i kvar av vatna Børtnjønnin og Midtre Mardalsvatnet/Urdavatnet.

Det blir opplyst i søknaden at det har vore utsett av fisk i vatna tidlegare. Fisken gyt ikkje i desse vatna og mykje av fisken er no fiska opp.

Eittårig yngel (0+ aure) for utsett vil bli levert av Statkraft i Eikesdalen.

Utsetting av fisk er generelt forbode. Møre og Romsdal fylkeskommune kan midlertidig gi løyve til utsetting etter forskrift 11.11.1993 nr. 1020 om utsetting av fisk og andre ferskvannsorganismar.

Vedtak

Møre og Romsdal fylkeskommune gir løyve til Nesset fjellstyre ved Dag Ringstad om få sette ut 400 aureyngel (0+) i Børtnjønnin og 400 aureyngel i Midtre Mardalsvatnet/Urdavatnet.

Heimel: § 2 i forskrift 11.11.1993 nr. 1020 om utsetting av fisk og andre ferskvannsorganismar for kultiveringsformål, § 10 i lov 15.05.1992 nr. 47 om laksefisk og innlandsfisk m.v. og § 30 i lov 19.6.2009 nr. 100 om forvaltning av naturens mangfold.

Løyvet gjeld ut året 2017. Det må søkjast om nytt løyve for utsett i andre vatn eller i same vatn for 2018.

Det blir stilt vilkår om at fisken skal ha godkjend helseattest frå veterinær.

Ved årets slutt (2017) skal det sendast ein kortfatta rapport om gjennomføringa til Møre og Romsdal fylkeskommune.

Søknaden må vurderast i samsvar med prinsippa i naturmangfaldlova §§ 8-12 jf. § 7:

§ 8 (kunnskapsgrunnlaget):

Generelt skal det visast varsemd med å sette ut fisk i fisketomme vatn, då desse vil være naturleg fisketomme. Naturleg fisketomme vatn har eit spesielt mangfold av artar som kan vere sårbare for effektive rovdyr som fisk. Mange artar som er avhengig av denne typen levestader i dag er sjeldne eller også trua.

Det har vore sett ut fisk i vatna tidlegare, og det er derfor ikkje eit naturleg fisketomt vatn. Fisken som skal settast ut kjem frå same kultiveringssone. Fylkeskommunen vurderer det derfor slik at utsettet ikkje er negativt for biomangfaldet. Kravet i § 8 om at saken skal baserast på eksisterande og

tilgjengelig kunnskap, er dermed oppfylt. I og med at naturmangfold i liten grad blir påverka av tiltaket, at den samla belastninga er lav og at det ikkje er aktuelt med fordyrande vilkår, legg vi til grunn at det ikkje er nødvendig å foreta vurderingar etter prinsippa i naturmangfaldlova §§ 9-11.

§12 (miljøforsvarlege teknikkar og driftsmetodar):

Karpefisken Ørekyte er ein framand art i Møre og Romsdal. Den har likevel etablert seg enkelte stader, blant anna gjennom bruk som levande agn og fiskeutsettingar. Ørekyte konkurrerer om næringstilgang med aure, og kan påverke aurebestandar negativt. Bruk av godkjende settefiskanlegg, og at fisken som settast ut er godkjend av veterinær, vil redusere risikoien for feilaktig utsetting av ørekyt vesentleg.

Søknaden må også vurderast opp i mot vassforskrifta. Midtre Mardalsvatnet/Urdavatnet er ein del av vassforekomsten *Østre/Indre Mardøla bekkefelt* (vann-ID 104-127-R). Børkjønnin er ein del av vassforekomsten *Sandgrova og noen mindre sideelver til Aura* (Vann-ID 104-17-R). Begge vassforekomstane er i god kjemisk og økologisk tilstand. I Regional plan for vassforvaltning i Møre og Romsdal vassregion har begge vassforekomstane miljømål om god kjemisk og økologisk tilstand. Det er allereie fisk i vatna, og utsettinga vil derfor ikkje medføre økologiske endringar som gjer at miljøtilstanden i vassforekomsten blir dårlegare enn god. Utsettinga kjem heller ikkje i konflikt med miljømålet. Det er derfor ikkje nødvendig med ei ytterlegare vurdering etter vassforskrifta § 12 (ny aktivitet og nye inngrep).

Løyvet er gitt utan ansvar for nabo-, eigedoms-, eller andre privatrettslege tilhøve og Møre og Romsdal fylkeskommune fråskriv seg alle ansvarstilhøve som måtte oppstå i samband med, eller som følge av tiltaket.

Klage

Det kan klagast på dette vedtaket innan 3 veker etter at melding om vedtaket kom fram, sjå om dette i vedlagte rettleiing. Eventuell klage bør grunngjenvæst og sendast til Møre og Romsdal fylkeskommune.

Med helsing

Birgit Aarønæs
Kst. seksjonsleiar

Håkon Slutaas
rådgivar

Dokumentet er elektronisk godkjent og krev derfor ikkje signatur

Kopi:
Nesset kommune Kommunehuset 6460 Eidsvåg i Romsdal